

新鑄古今名劇酹江集

新鐫古今名劇耐江集

王粲登樓

元鄭光祖著 明孟稱舜評點 劉啓胤訂正

假托名蔡邕薦士

正目

醉思鄉王粲登樓

楔子

老旦扮卜兒上云急急光陰似水流等閒白了少

年頭月過十五光明少人到中年萬事休老身姓

李夫主姓王曾爲太常博士之職不幸病卒於官

德輝情女  
離魂及翰  
林風月二  
劇爲傳情  
第一手此  
劇雄放處

似非馬東  
離諸公之  
敵而秀氣  
千雲冷烟  
驚人可爲  
空群鶴立  
者矣

先夫在日正生一個孩兒名喚王榮學成滿腹文章只是胸襟驕傲不肯曲肱於人有他叔父蔡邕丞相數次將書來取此子不肯前去今日好日辰我喚他出來上京求得一官半職光耀門閭有何不可王榮那裡正末扮王仲宣上云小生姓王名榮字仲宣高平玉井人也先父曾爲太常博士病卒于官止存老母在堂小生正在攻書忽聽母親呼喚不知有甚事須索走一遭去呀母親拜揖母親喚你孩兒那壁廂使用卜兒云孩兒有你叔父

蔡邕丞相數次將書取你今日好日辰你上京去  
求的一官半職光耀門閭有何不可正末母親你  
孩兒去不的卜兒你因甚去不的正末孔子有云  
父母在不遠遊遊必有方所以爲人子者出不易  
方復不過時乃是個孝道孩兒爲此去不的卜兒  
孩兒放心前去家中事務我自支持正末既是母  
親尊命孩兒怎敢有違今日便索長行也卜兒孩  
兒你去別去只慮一件正末母親慮的是那一件  
卜兒慮的是豚犬東行百步憂

中呂賞花時正末母親道豚犬東行百步憂下兒孩  
兒你趁着這鵬鶚西風萬里秋正末趁着這鵬鶚西  
風萬里秋非拙計豈狂游憑着我高才和這大手下  
兒孩兒疾去早來正末母親恁孩兒常存今日志必  
有稱心時穩情取談笑覓封侯

下兒孩兒去了也我掩上這門兒正是眼望旌  
捷旗耳聽好消息下

第一折

丑扮店小二上云酒店門前三尺布人來人往圖

主顧好酒做了一百缸倒有九十九缸似滴醋自家店小二是也有那南來北往經商客旅做買做賣的人都在我這店中安下一個月前有個王粲在我店肆中居住房宿飯錢都少了我的我便罷了大主人家埋怨我我如今叫他出來算算帳討還我這房宿飯錢王先生出來正末上云小生王粲自離了母親來到京師有叔父蔡邕丞相個月期程不蒙放泰小生在這店肆中安下少了他許多房宿飯錢小二哥呼喚多分爲此小二哥做甚

麼大呼小叫的小二王先生你少下我許多房宿  
飯錢不還我我便罷了大主人家埋怨我你幾時  
還我這錢正末兀那店小二我見了我蔡邕叔父  
呵稀罕還你這幾貫錢小二你今日也說你叔父  
明日也說你叔父你這錢幾時還我正末你休小  
覷我

仙呂點絳脣早是我家業凋殘少年可慣我被人輕  
慢似翻覆波瀾貧賤非吾患

小二王先生你既是讀書人何不尋幾個相識朋

章

混江龍

正末我與人秋毫無犯

小二則爲你氣高志

大見是如此

正末

則爲我這氣昂昂悞得我這鬚斑

斑久居在簞瓢陋巷風雪柴關窮不窮既有蛛絲塵

網亂

小二

看了你這嘴臉火也沒一些爇的正末窮

不窮爐無烟火酒瓶乾剗的在天涯流落海角飄零

中年已過百事無成捱不出傷官破祖窮愁限多只

在閭閻之下看隄之間

小二

王先生我看你身上有些兒軍寒麼

醉江集

王榮  
登樓

四



油葫蘆

正末

小二哥你休笑書生膽氣寒，赤緊的看

承的我如等閒，則俺這敵裘常怯曉霜殘，端的可便

有人把我做兒曹看，堪恨那無端一郡蒼生眼，小二

看你這模樣也沒些志氣膽量

正末

我量寬如東大

海志高如西華山，則爲我五行差沒亂的難迭辦，幾  
能勾青瑣點朝班。

天下樂因此上時復挑燈把劍彈，有那等酸也波寒。

可着我怎挂眼，只待要論黃數黑在筆硯間。

小二你

既是讀書之人何不訓幾個蒙童討些錢鈔還我可

不好。正末你着我教蒙童數子頑。據王粲的心呵。我則待輔皇朝萬姓安。哎。你可便枉將人做一例看。

小二巧言不如直道。買馬須索襍料閒話。休說好。又要房宿飯錢。還我。正末小主沒甚麼還你。小二

哥。我將這口劍當與你。待我見了叔父。便來取討。

小二也罷。我收了這劍。有錢時便贖與你。饒君總使渾身口手裡無錢說也空。下外扮蔡邕引祗從

上云。龍樓鳳閣九重城。新築沙堤宰相行。我貴我榮君莫羨。十年前是一書生。老夫姓蔡名邕。字伯

皆陳留郡人氏自中甲第以來累蒙擢用謝聖人  
可憐官拜左丞相之職有一故人乃是太常博士  
王默曾指腹爲親若生二女同攀綉牀若生二子  
同舍攻書若生子女結爲夫婦不想老夫所生一  
女小字桂花王默所生一子名喚王粲因爲居官  
彼此天涯不得相聚後來連王默也亡過了一向  
耽閣這親事不曾成得聞知王粲學成滿腹文章  
只是矜驕傲慢不肯屈脊於人老夫數次將書調  
取來京個月期程不容放叅可是爲何則是涵養

他那銳氣今日早朝下來已與曹子建學士說知  
向上之事這早晚敢待來也左右門首覲者學士  
來時報復我知道冲末扮曹子建引祗從上云滿  
腹文章七步才綺羅衫袖拂香埃今生坐享來生  
福都是詩書換得來小官姓曹名植字子建祖居  
譙郡沛縣人也謝聖人可憐官拜翰林院學士之  
職今日早朝蔡邕老丞相說令姪王粲雖有出衆  
文才只是胸襟太傲須要涵養他那銳氣好就功  
名如今老丞相暗將白金兩錠春衣一套駿馬一

正薦書一封投托荆王劉表封皮上寫着某家的  
名字賁發他起身等待後來榮顯之時着小官做  
個大大的証見說話中間可早來到丞相府了左  
右報復去道有子建學士在於門首報見科蔡學  
士來了也學士今早朝中所言王粲之事可是這  
等做的麼曹老丞相高見正該如此但小官虛做  
人情不無惶愧正末上云這是丞相府門首左右  
報復去道有高平王粲特來拜見做報科云有高  
平王粲特來拜見蔡你看他乘甚麼鞍馬祗候脂

油點燈蔡這怎麼說祇候布燃正末說話的是我  
叔父我是姪兒那里有叔叔接姪兒不成我自過  
去見科云叔父請坐多年不見受您孩兒兩拜蔡  
住者左右將過那錦心拜褥來正末叔父要他何  
用蔡拜下去只怕污了你那錦綉衣服正末有甚  
麼好衣服蔡王粲母親安康麼正末母親托賴無  
恙蔡有你這等崢嶸發達的孩兒我那賢嫂有甚  
不安康處翰林院學士在此把體面相見正末見  
曹科曹久聞賢士大名如轟雷貫耳今得撥雲霧

見青天實乃曹植萬幸正末學士恕小生一面蔡

說此人矜驕傲慢果然學士在此下不得一拜學

士勿罪可不道錦堂客至三杯酒茅舍人來一盞

茶我偌大個相府王粲遠遠而來豈無一鍾酒管

待令人將酒過來遞酒科蔡這杯酒當與王粲拂

塵王粲近前接酒正末將來蔡住者這酒未到你

哩老夫年邁了也有失禮體放着翰林學士在此

那裏有王粲先接酒之理學士滿飲此杯曹接酒

云賢士先飲此杯正末學士請曹賢士勿罪飲科

蔡這杯酒可到王粲王粲接酒正末將來蔡住者

未到你哩學士一隻脚兒兩隻脚兒來飲個雙杯

曹飲科蔡這杯酒可到王粲王粲接酒正末將來

蔡住者未到你哩學士飲個三杯和萬事曹飲科

正末叔父王粲不曾自來你將書呈三番兩次調

發小生到此蕭條旅館個月期程不蒙放舉今日

見了小生對着學士將一杯酒似與不與輕慢小

生是何相待蔡王粲你發酒風哩正末我吃你甚

酒來蔡王粲你在我跟前你來我去你聽着你看



我精神顏色捧瑤觴你那裡有和氣春風滿畫堂  
你這等人不明白凍餓在顏回巷你看爲官的列  
金釵十二行你儘今生飄飄蕩蕩便來世也則急  
急忙忙你那裡有江湖心量衡一片蠶鹽肚腸令  
人擡過了酒非干我與而不與其實你飲不的我  
這玉液瓊漿正末叔父我王粲異日爲官必不在  
你之下男兒自有冲天志不信書生一世貧

那吒合我怎肯空隱在嚴子陵釣灘我怎肯甘老在  
班定遠玉關大丈夫仗鴻鵠之志據英傑之才我則

待大走上韓元帥將壇，我雖貧呵樂有餘，便賤呵非無憚，可難道脫不的二字饑寒。

鵲踏枝 赤緊的世途難，主人怪那裏也握髮周公，下榻陳蕃，這世裡凍餓死閒居的范丹，哎天呵兀的不憂愁殺高卧袁安。

叔父不止小生受窘，先輩古人也多有受窘的。蔡王粲與你比喻你那積雪成阜，怎熬俺有力之松磨墨成池，怎染俺無瑕之玉明珠遭離，豈列雕盤素絲蒙垢，難成美錦。小見人萬種機謀，總落的俺

高人一笑先輩那幾個古人受窘你試說一遍聽  
咱

寄生草正末伊尹曾埋沒在耕鋤內傳說也勛勞在  
版築間有甯戚空嗟白石爛有太公垂釣磻溪岸有  
靈輒誰濟桑間飯哀哉堪恨您小人儒嗚呼不識俺  
男兒漢

蔡王蔡你來做甚麼

六么序

正末我投奔你爲東道蔡我可也做不的東

道正末

倚仗你似泰山蔡我可也做不的那泰山正

非易非難  
四字道盡  
千古

未刻的似驚弓落葉冷枝寒。好教我鏡裡羞看劍匣。  
空彈前程事。非易非難。想蟄龍奮起。非爲晚。赤緊的。  
待春雷震動天關。有一日夢飛熊得志。扶炎漢纔結。  
果桑樞瓮牖。平步上玉砌雕欄。

么篇要見天顏。列在鴛班。書嚇南蠻。威鎮諸藩。整頓。  
江山外。鎮邊關。內剪姦頑。有一日金帶羅襪。烏靴象。  
簡。那其間。難道不着眼相看。如今個旅邸身閒。塵土。  
衣單。耽着饑寒。偏沒循環。只落得不平氣都付與臨。  
風嘆。恨塞滿天地之間。想漫漫長夜何時旦。幾能勾。

斬蛟北海。射虎南山。

這等人只好不辭而回。罷出科祇候報云。報老爺得知王粲不辭而去了。蔡學士王粲不辭而歸。都在學上身上。曹出要住科云。賢士適間勿罪。正末學士這不是小生自來投托。是丞相數次將書調發小生來到京師旅館安身。個月期程不蒙放奉。今日對着學士將一杯酒似與不與輕慢小生。是何禮也。曹賢士此一去何往。正末自古道士屈於不知已而伸于知已。今世無知者小生在此何益。

不如回家去罷

金盞兒雖然道、屈不知已、不愁煩、不知伸於知己、恰是甚時間、只落得一天怨氣、心中憤空、教我趨前退後、兩三番、又不是絕糧陳蔡地、又不是餓死首陽山、只不如掛冠歸去、好也免得叉手告人難。

曹賢士差矣、却不道學成文武藝、貨與帝王家、又道是十年窗下無人問、一舉成名天下知、憑着賢士腹有才、神有劍口、能吟眼識字、取富貴如反掌、相似何不進取功名、可怎生便回家去也。  
正末

奈小生家寒、無有盤費、曹却不道寶劍贈烈士、紅粉贈佳人、小官有白金兩錠、春衣一套、駿馬一疋、薦書一封、送賢士去投托荆王、劉表、劉表見了、小官的書呈必然重用賢士、若得官呵、則休忘了曹植者。正末多謝學士、小生驛面相會、倒賣發我金帛鞍馬、薦書異日、若得崢嶸、此恩必當重報。

賺煞我持翰墨謁荆王、展羽翼騰霄漢、夢先到襄陽、峴山楚天濶、爭如蜀道難、我得了這白金駿馬雕鞍、則願的在途間人馬平安、穩情取崢嶸見您的眼。曹

賢士常言道人惡禮不惡還辭一辭老丞相正末看  
學士分上我辭他一辭叔父承管待了也蔡王粲你  
去了罷又回來做甚麼正末我吃你甚麼來我略別  
你個放魚的子產蔡放魚的子產滕礁老夫不識賢  
哩正末你休笑我屠龍的王粲雖是今日之貧安知  
無他日之貴有一日官高極品位列三公食前方丈  
祿享千鐘武夫前擁錦衣後隨學士恕罪了曹賢士  
穩登前路正末你看我錦衣含笑入長安下  
蔡王粲去了也學士此人莫不有些恠老夫麼曹



時下便有些怪到後來謝也謝不及哩蔡從來賢  
智莫先人小子如何矣自尊曹今日雖然遭折挫  
異時當得報深恩並下

## 第二折

外扮荆王引卒子上云高祖龍飛四百年如今兵  
甲漸紛然區區借得荆襄地撐住西南半壁天某  
姓劉名表字景升本劉之宗親漢之苗裔因見天  
下多事兵戈競起某策馬馳入饑城取了南郡皆  
蒯良之力也如今南據江陵北控樊鄧西佔長沙

東距桂陽地方千里帶甲軍卒四十餘萬愛民養  
濟憐恤軍士少壯者勤於農桑班白者不負戴於  
道路於是一境之內軍民稍安某有二子長曰劉  
琦次日劉琮有兩員上將操練水兵三萬乃是蒯  
越蔡瑁巡綽邊境去了善文者蒯良杜奎善武者  
蒯越蔡瑁爲其羽翼復何憂哉小校轅門覲者二  
將來時報復我知道卒子理會的正末上云小生  
王粲被蔡邕耻辱了一場多虧子建學士賁發我  
白金鞍馬小生好命薄也不想中途得了一場病

症金銀鞍馬衣服都盤費盡了這幾日方纔稍可  
將着這封書見荆王走一遭去王粲也人人都有  
那功名二字惟有我的功名好難遇也呵

正宮端正好則有分鞭羸馬催行色拂西風滿面塵  
埃想昨朝風送烟波側今日個落日在青山外

滾繡毬我比那買官的省些玉帛求仕的費些草鞋  
赤緊的好難尋紫袍金帶今日見荆王呵便是我苦  
盡甘來他聽得我和宅他將那書拆開多應是把我  
來降堦接待豈不聞有朋自遠方來那荆王若問我

兵法呵你看坐間略展安邦策便索高築黃金拜將  
臺不索疑猜

說話中間可早來到門首也左右報復去道有高  
平王粲持曹子建學士書呈特來拜見卒子將書  
來我與你報去喏報的大王得知今有高平王粲  
持曹子建學士書呈特來拜見荆王將書來我看  
翰林學士曹植拜書我拆開這書看蔡邕拜上鹿  
下元來封皮上是曹子建之名書內是蔡邕丞相  
舉薦書中意我盡知了也久聞此人是一代文章

之士道中門相請請見科荆王久聞賢士大名今

至俺荆襄之地如甘露潤其旱苗似清風解其酷

暑何幸何幸正末小生聞知大王豁達大度納諫

如流因此不遠千里持子建學士書特來拜見荆

王動問賢士何不在帝都闕下求取功名如何遠

涉江湖徒步至此俺這荆襄土薄民稀兵微將寡

只怕展不得仲宣之志如之奈何正末大王

倘秀才如今那有錢人沒名的平登省臺那無錢人

有名的終淹艸萊荆王據賢士如何正末如今他可

也不論文章只論財。荆王賢士可曾投托人麼。正末  
赤緊的難尋東道主。荆王向在何處。正末又困在書  
齋。非王粲巧言令色。

荆王賢士自古道寒廳書劍十年苦。指望蟾宮折  
桂枝。韓侯不是蕭何薦。豈有登壇拜將時。曾有人  
言謂賢士胸次驕傲。以至如此。

滾綉毬。正末非是我王仲宣胸次高。赤緊的晏平仲  
他那度量窄。小生遠遠而來。他道老兄幾時到我回  
言。恰纔到此。他道休往別處去。來俺家裏住。我和他

初相見。厮親厮愛。他問道。老兄此一來。有何貴幹。我  
回言道。特來投托。求些盤費。他聽得道罷。早說得他。  
不。擡。頭。口。倦。難。開。那人推托。不過則索應付。至少呵。  
等。到。有。十。朝。將。半。月。多。呵。賞。發。銀。一。兩。錢。二。百。那。一。  
場。賞。發。的。心。大。驚。小。恠。大王久以後。不得第。便罷。若。  
得。第。時。一。時。間。顧。盼。不。到。他。便。道。黑。頭。蟲。兒。不。中。救。  
俺。也。曾。賞。發。你。來。怎。禁。他。對。人。前。朗。朗。的。花。白。如。今。  
那。友。人。門。下。難。投。托。因。此。上。安。樂。窩。中。且。避。垂。倒。大。  
來。悠。哉。

荆王賢士既有大才，當不次在川。到來日，會衆將聚三軍，拜賢士統領荆襄九郡兵馬。大元帥可惜淮陰侯曾來撒釣，釣不消三舉薦，指日便封侯。小校鑽下元帥印者，正末：小生半生流落，一介寒儒，安敢遽然望此。

呆骨朶：若論掌荆襄帥府，威風大；我是白衣人，怎敢望日轉千堵。我又不曾驅六甲風雷，又不曾辨三光氣色，又不曾寫就論天表，又不曾草下甚麼平蠻策。荆王賢士乃簪纓世胄，堪爲元戎帥首也。正末：我雖



是個簪纓門下人，怎做的斗牛星畔客。

荆王賢士知天文曉地理，觀氣色辨風雲，何所不通，何所不曉，有大才受大任，固其宜也。

倘秀才正末止不過曲志在蓬牕下，守着霜毫的這硯臺，我又不曾進履在圯橋下，收的甚兵書戰策。如今那有志的屠龍去南海，古今無賢士前後少英才，非王粲踈狂性格。

荆王賢士請坐，某有二將乃蒯越、蔡瑁，能調水兵。三萬巡綽邊境去了。小校轅門外覷者，二將來時。

報復我知道卒子應科二淨扮蒯越蔡瑁上云自家蒯越的便是這位是蔡瑁我和他尋綽邊境回還小校通報去蒯越蔡瑁下馬卒子報科喏報大王得知蒯越蔡瑁見在門首荊王說出去賓客在此把體面相見卒子二位元帥說賓客在此教你把體面相見蒯蔡我知道見科大王邊境無事荊王蒯越蔡瑁你見此人高平玉井人氏姓王名粲字仲宣天下文章之士我欲用此人你可把體面相見蒯蔡知道那壁莫非仲宣否卒子怎麼是仲

宣否蒯蔡你不知道不字底下着個口字個否字  
他見了我老蒯教他不開口蒯蔡見末云久聞賢  
士大名如雷貫腿卒子怎麼是如雷貫腿蒯越我  
盤盤他的跟脚把文湑他一湑賢士你知道禮之  
用和爲貴先王之道打折腿我這裡有一拜不勞  
還禮拜科卒子不會還禮你再拜起蒯蔡你可曉  
得那鶴非染而自白鴉非染而自黑既讀孔聖之  
書必達周公之禮我二人有一拜拜科蒯越王粲  
好是無禮拜着他全然不應氣出我四句來了王

粲生的硬拜着全不應定睛打一看腰裡有挺棍  
〔蔡瑁〕我也有四句王粲生的歹拜着全不睬這世  
做了人那世變螃蟹〔荆越〕大王王粲好是無禮俺  
二人拜他全然不動倘有人見可不先失了你的  
門風大王問他孫武子兵書十三篇他習那一家  
〔荆王〕靠後人說此人矜驕傲慢果然話不虛傳某  
兩員上將拜着他昂然不理賢士我問你孫武子  
兵書十三篇不知賢士習那一家〔正末〕六韜三畧  
淹貫胸中唯吾所用何但孫武子十三篇而已哉

荆王論韜畧如何 正末論韜畧阿

滾綉毬我不讓姜子牙與周的顯戰功 荆王你謀策

如何 正末論謀策阿我不讓張子房佐漢的有計畫

荆王你札寨如何 正末論札寨阿我不讓周亞夫屯

細柳安營札寨 荆王你點將如何 正末論點將阿我

不讓馬服君仗霜鋒點將登臺 荆王你膽氣如何 正

末論膽氣阿我不讓藺相如渑池會那氣槩 荆王你

才幹如何 正末論才幹阿我不讓管夷吾霸諸侯那

手策 荆王你行兵如何 正末論行兵阿我不讓霍嫖

姚領雄兵橫行邊塞、**荆王**你操練如何**正末**論操練

呵我不讓孫武子用兵法演習裙釵、**荆王**你智量如

**何正末**論志量呵我不讓齊孫臆捉龐涓則去馬陵

道上施埋伏、**荆王**你決戰如何**正末**論決戰呵我不

讓韓元帥困霸王在九里山前大會垓、胸襟江淮、

**做睡科****荆王**好兵法將酒來慶兵法賢士滿飲此

杯呀纔和俺攀話又早睡着了也便好道德勝才

爲君子才勝德爲小人俺未曾重用先失左右之

門風正是那才有餘而德不足等此人睡覺來問

我只說我更永去了德勝才高不可當才過德小  
必疎狂縱然胸次羅星斗豈是人間真棟梁下刪  
越點湯正末醒科大王安在刪越點湯正末點湯  
呼遣客某只索回去刪越點湯正末我出的這府  
門刪越點湯正末我來到這長街上刪越點湯正  
末我來到這酒肆中刪越點湯正末我來到這裡  
你還叫點湯刪越非我開賢門因他傲慢人蔡瑁  
點湯呼遣客依舊受孤貧並下正末歎科罷罷罷  
煞尾他年不作文章伯異日須爲將相材待與不待

此折寫族  
况悲愁處  
語語沉鬱  
頓挫

總無碍時與不時且寧耐說地談天口若開伏虎降  
龍志不改穩情取興劉大元帥試看雄師擁麾蓋恨  
汝等將咱厮禁害我若得志呵把你擄掠中軍帳門  
外似這等跋扈襄陽喫劒才將二賊擒至馬前斬首  
報來那其間纔識俺長安少年客下

### 第三折

副末扮許達引從人上云壯氣如虹貫碧空塵埃  
何苦困英雄假饒不得風雷信千古無人識臥龍  
小生姓許名達字安道乃荊州饒陽人也先父許



士謙曾爲國子監助教年僅六十病卒於官止存  
老母在堂訓誨小生頗通詩禮不想老母亾化小  
生學業因此荒廢有負先人遺教至今愧之小生  
賴祖宗蔭下就此城市中建一座樓名曰溪山風  
月樓左有鹿門山右有金沙泉前對清風霽嶺後  
靠明月雲峯端的是玩之不足觀之有餘但凡四  
方宦宦到此無可玩賞便登此樓飲酒中間常與  
小生論文有等文學秀士未經發跡小生置酒相  
待臨行又贈路費而歸人見小生有此度量皆呼

小生爲東道主近日有一人乃高平人氏姓王名  
粲字仲宣此人是一代文章之士持子建學士書  
呈投托荆王劉表劉表不能任用後劉表辭世此  
人淹留在此小生深念同道常與他會飲此樓只  
一件此人不辭猶可醉呵便思其老母想其鄉間  
不覺淚下今日時遇重陽登高節令下次小的每  
安排酒菓請仲宣到此共展登高之興聊紓望遠  
之懷只等來時報復我知道

正末上云小生王粲

將子建學士書呈投托荆王劉表劉表聽信蒯越

蔡瑁謾言不能任用流落於此小生只得將萬言  
長策寄與曹子建學士央他奏上聖人至今不見  
回報多分又是沒用的了使小生羞歸故里懶覩  
鄉閭此處有一人許安道幸垂顧盼時與小生尊  
酒論文稍不寂寞今日重陽佳節沽酒於溪山風  
月樓請我登高須索走一遭去歎科時遇秋天好  
是傷感人也一度愁來一倚樓倚樓又是一番愁  
西風塞鴈添愁怨衰艸淒淒更暮秋情默默思悠  
悠心頭纔了又眉頭倚樓望斷平安信不覺腮邊

淚自流

中呂粉蝶兒塵滿征衣嘆飄流一身客寄往常我食  
無魚彈劍傷悲一會家怨荆王信讒佞把那賢門來  
緊閉從那荆王辭世呵不爭你成喪之威越悶得我  
不存不濟。

醉春風我本是未入廟堂臣倒做了不着墳墓鬼想  
先賢多少困窮途王粲也我道來命薄的不是你你  
我比那先進何及想昔人安在小生三十歲也我可  
甚麼後生可畏。

說話中間可早來到也樓下的報復去王粲來了也從人報科報的東人得知王仲宣來了也許達道有請見科云仲宣請做上樓科欲窮千里目正末更上一層樓許達云家童將酒過來仲宣蔬食薄味不堪供奉請滿飲此杯正末敢問安道此樓何人蓋造許達仲宣不問許達也不道此樓是先父許士謙蓋造正末因何造此許達因四方官宦到此無可玩賞故建此樓一座高樓映市、麗玉欄、十二鎖秋烟、捲簾斜眺天邊月、舉眼遙觀月底仙、

九醞酒光斟琥珀、三山鸞鳳舞翩跹、停杯暢飲繞歌罷、倒卧身軀北斗邊、**正末**安道你看危樓高百尺、手可摘星辰、不敢高聲語、恐驚天上人、

迎仙客雕簷外、紅日低、盡棟畔彩雲飛、十二欄干欄干在天外、倚許達這裡望中原、可也不遠、**正末**我這裡望中原、思故里、不由我感嘆酸嘶、看了這秋江呵、越攪的我這一片鄉心碎、

許達仲宣爲何不飲、**正末**小生一登此樓就想老母在堂、久闕奉養、何以爲人、許達仲宣不登樓便

罷但登樓便思其老母想其鄉間母子天性也母  
思其子慈也子思其母孝也故母子爲三綱之首  
慈孝乃百行之原我想大舜古之聖人父頑母嚚  
弟傲嘗設計害舜舜盡孝以合天心終不能害舜  
終能使一家底豫歷山號泣自躬耕青史長傳大  
孝名今日登高頻悵望豈能無念倚闌情正末旅  
客逢秋苦憶歸可堪鴻鴈正南飛倚門老母應頭  
白何日重來戲綵衣

紅繡鞋淚眼盼秋水長天遠際歸心似落霞孤鶩齊

飛則我這裏陽倦客苦思歸我這裡凭闌望母親那  
裡倚門悲許達仲宜既然如此感懷何不早歸故里  
正末吾兄怕不說的是哩爭奈我身貧歸未得

許達仲宜滿飲此杯你看此樓下臨紫陌上接丹  
霄宴海內之高賓會寰中之佳客青山綠水渾如  
四壁開圖紅葉黃花絕似滿川鋪錦寒鴈影搖搖  
戛戛數行飛過洞庭天寒蛩聲唧唧啾啾幾處  
殘江浦月倦這裡鱸魚正美新酒初香橙黃橘綠  
可開樽紫蟹黃雞宜賞宴對此開懷何故不飲風



連前二枝  
將一天愁  
怨都從眼  
前景物上  
寫出真絕  
妙好辭也

送潮聲過遠洲雨收山色上危樓美玉不換重陽  
景黃金難買菊花秋。正末憶昔離家二載過。鬢邊  
白髮奈愁何。無窮典對無窮景。不覺傷心淚點多。  
普天樂。楚天秋。山疊翠。對無窮景色。總是傷悲。好教  
我動旅懷。難成醉。枉了也。壯志如虹。英雄輩。都做助。  
江天景物。淒其老兒小生。有三椿兒。不是許達。可是  
那三椿兒。不是正末。是這氣。這愁。和這淚。許達氣若  
何。正末氣呵。做了江風淅淅。許達愁若何。正末愁呵。  
做了江聲瀝瀝。許達淚若何。正末淚呵。彈做了江雨。

霏。霏。

〔許達〕仲宣時遇清秋。階下有等艸蟲。名寒蛩。又名  
促織。此等艸蟲。叫動家家。搥帛搥練。小生不才。作  
搥練歌一首。則是汚耳。〔歌云〕忽聞簾外杵聲。搥聲  
上聲。低聲轉高。羅袖長長。長長繞腕。輕輕播播。播風  
飄。看看看。是誰家女。巧巧巧。巧手弄砧杵。停停聽。是  
雨娉婷。玉腕雙雙。雙擎舉。灣灣灣。月在睂峯。花花  
花。向臉邊紅。星眼眼。眼長長。出淚。多。多。多。滴搥衣中。  
徑開徑入。徑紋波。疊疊重。重重數多。相相相。喚隣

家女欲裁未裁。裁綺羅。秋天秋月秋夜長。秋日秋風秋漸涼。秋景秋聲秋鴈度。秋光秋色秋葉黃。中秋秋月旅情傷。月中砧杵响。璫璫璫。响被秋風送。送到征人思故鄉。故鄉何在歸途遠。途遠難歸應斷腸。斷腸只在紗牕下。紗牕會不憶。徬徨休玩休。玩中秋月。月到中秋偏皎潔。此夜家家家搗衣。添入離愁愁更切。寒露初寒寒艸邊。夜夜孤眠孤月前。促織促織叫復叫。叫出深秋砧杵天。誰能秋夜聞秋砧。切切悲悲悲不禁。況是思歸歸未得。聲

聲槌碎故鄉心。正末歎云：好高才也！其思遠其調悲，使人聞之不覺潸然淚下。寒蛩唧唧，細吟秋夜；夜寒聲到枕頭，獨有愁人聽不得，愁人聽了越添愁。

石榴花現如今寒蛩唧唧向人啼，哎，知何日是歸期。想當初只守着舊柴扉，不圖甚的倒得便宜。許達大：丈夫得志食於鐘鼎，不得志隱於山林。正末：則今山林鐘鼎俱無味。命矣！時分哎，可知道枉了我頂天立地居人世。許達：仲宣今年貴庚了。正末：老兄也恰便。

似睡夢裡過了三十

闕鶴鵲又不在麋鹿羣中又不入麒麟畫裡自死了吐哺周公枉餓殺採薇伯夷自洛下飄零到這裡刻的無所歸棲小生當初投奔劉表的意呵指望待末尾三稍越閃的我前程萬里

許達仲宣想昔日孔子投於齊景公景公不能用復投魯哀公封孔子爲魯司寇三日而誅少正卯齊景公故將美女數十人習成女樂獻與哀公哀公受了女樂三日不朝孔子弃職而歸投於衛靈

公與之言治國之道。衛霸公仰視飛鴈。孔子知其  
不能用。投於陳國。其時陳國被吳國征伐。孔子遂  
困於陳蔡之間。糧食都絕。從者皆病。不能起。聖人  
尚然如此。何況今日乎。老兄詩酒當前。且盡情。功  
名休閒幾時成。天公自有安排處。莫爲憂愁白髮  
生。正末三尺龍泉七尺身。可堪低首困風塵。王侯  
將相元無種。半屬天公半屬人。

上小樓一片心扶持社稷。兩隻手經綸天地。誰不待  
執戟門庭。御車郊原。舞劍尊席。許達仲宣當初肯與

蒯蔡同列爲官可不好來正末我怎肯與烏獸同羣。  
豺狼作伴兒曹同輩兀的不屈沉殺五陵豪氣。

許達仲宜想你辭老母離陳蔡謁蔡邕於京師不  
能取其榮貴又持子建學士書呈投托荆王劉表  
內妨蒯蔡不肯同列爲官先生主見小生盡知但  
他自幹他的事你自幹你的事便好道秦則秦麥  
則麥涇則涇渭則渭雖后稷之聖不能化穗而成  
其芒雖大禹之功不能澄清而變其濁甚德清濁  
尚然不變何況於人乎既托跡於劉表何苦不同

官於蒯蔡嗟君志氣本超羣。爭奈朝中多忌人。所以獨醒千古恨。至今猶自泣累臣。正末有志無時命矣夫。老天生我亦何辜。寧隨澤畔霜均灰。不逐人間乳臭雛。

么篇據着我慷慨心。非貪這湫隘杯。這酒呵便解我愁腸。放我愁懷。展我愁眉。則爲我志願難酬。身心不定。功名不遂。吾兄將酒過來。許達酒在此。正末飲科。云再將酒來。許達仲宜爲何橫飲幾杯。正末倒不如葫蘆提醉了還醉。



小生爲功名不遂其心不如飲一醉墜樓而亡做  
跳下許達驚扯住科云呀早是小生手眼快螻蟻  
尚且貪生爲人何不惜命古人有云存其身而揚  
其名上人也將其身而就其名中人也捨其身而  
滅其名下人也吾想此中屈原卞和二人雖得其  
名卒捨其身如吾兄爲功名不遂要墜樓身死是  
爲不知命矣昔呂望有經綸濟世之才雖在貧窘  
意不苟得年登八旬垂釣於渭水後文王夢非熊  
之兆出獵西郊至磻溪見呂望同載而歸以爲上

賓至武王時成功立業封號太公今老兄發悲不  
爲別故止爲家中老母無人侍養小生到來日會  
江下父老收拾青蚨賣爲路費送老兄還歸故里  
有何難哉只爲你高堂有母髮斑斑客舍淹留甚  
日還橐裡黃金願相贈免教和淚倚欄干  
正末耻  
向人間乞食餘登臺一望淚沾裾可憐飄泊緣何  
事不寄平安問母書

滿庭芳我如今羞歸故里則爲我昂昂而出因此上  
怏怏而歸空學成補天才却無度饑寒計幾曾道展

眼舒者則被你誤了人儒冠布衣熬煞人淡飢黃蘗  
有路在青霄內又被那浮雲塞閉老兄也百忙裡尋  
不見上天梯

許達仲宣你看那一林紅葉三徑黃花一林紅葉  
傲風霜如亂落火龍鱗三徑黃花驚雨露似潤開  
金獸眼登高望遠人人懷故國之悲撫景傷情處  
處酒窮途之泣老兄暑退金風覺夜長蟬聲不斷  
送秋涼東籬滿目黃花綻馬過南樓思故鄉正末  
採採黃花露未晞他鄉誰爲授寒衣獨憐作客人

南滯不似隨陽鴈北飛

十二月幾時得似賓鴻北歸倒做了烏鵲南飛仰美  
那投林倦鳥堪恨那舞瓮醯鷄方信道垂雲的鷓鴣  
羽翼那籬籬下燕鵲爭知

老兄也

堯民歌眞乃是鶴長鳬短不能齊從來這烏鴉彩鳳  
不同棲挽鹽車騏驥陷淤泥不逢他伯樂不應嘶只  
爭個遲也麼疾英雄志不灰有一日登鰲背

做睡科外扮使命上云雷霆驅號令星斗煥文章

聖主賢臣頌今朝會一堂吾乃天朝使命是也今  
有王仲宣獻上萬言長策聖人見喜宣他爲天下  
兵馬大元帥兼管左丞相事打聽得在許安道樓  
上飲酒許安道在麼許達見科云那裡來的大人  
使命小官天朝來的使命宣王仲宣爲天下兵馬  
大元帥快報復去許達王仲宣王仲宣正末做甚  
麼大呼小叫的許達今有天朝使命宣你爲天下  
兵馬大元帥正末來了不會許達見在樓直下哩  
正末慌做甚麼忙做甚麼既來了怕他回去了不

裴向切

成許達則吃你這般傲慢

煞尾正末從今後把萬言書作戰場輔皇朝爲柱石  
扶持着萬萬歲當今帝則願的穩坐蟠龍敝金椅

同使僉下許達那王仲宣別也不別竟自去了有  
這般傲慢的可知道荆王不肯用他一片雄心大  
似天可知不肯受人憐今朝身佩黃金印纔識登  
樓王仲宣下

#### 第四折

蔡相引祗從上云老夫蔡邕是也今有王粲獻上

上萬言長策聖人見喜着他做天下兵馬大元帥  
只在早晚將到左右與我請將曹子建學士來者  
祇從云理會的曹學士上云小官曹植今有蔡邕  
丞相着人相請須索走一遭去左右報復去道有  
曹子建在於門首祇從報科報的老爺得知曹學  
士來了也蔡道有請見科曹老丞相賀萬金之喜  
蔡喜從何來曹今有令婿王仲宣獻上萬言長策  
得了天下兵馬大元帥小官特來賀喜蔡比及學  
士說呵老夫已知道了也如今俺二人牽羊擔酒

十里長亭接新官走一遭去

下正末引卒子上云

王粲誰想有今日也呵

雙調新水令 一聲雷震報春光

卒按喝科正末起顰

龍九重天上蔡邕也你便似臧倉毀孟軻王粲也我  
却做了貢禹笑王陽則道我甘老在荆襄今日個岬  
嶨日豈承望

蔡曹同上

蔡此間是他轅門外了學士你先進去

曹令人報復去道有翰林學士曹子建在於門首

報科正末大恩人來了也道有請見科曹元帥岬



噪有日奮發有時正末當日不虧學士大恩豈有

今日學士請上受小官一拜拜科曹元帥請起論

小官有甚麼恩在那裡

沉醉東風正末想當日到京師將誰倚仗多虧你曹

學士助我行裝雖然是一封書灰了荆王還得你萬  
言策奏知今上纔得個元戎印掌這都是你義海恩  
山不可當再休題貴人健忘

蔡令人報復去道有蔡丞相在於門首卒報科

喬牌兒正末不由我肚兒裡氣夯他有甚臉來僣門

上他可不是蔡邕丞相麼曹他可是誰正末他是舉韓侯三薦的蕭丞相往日的情我和他今日講旁音

令人說出去他是個丞相我是個元帥府衙門爾我無干他進來便進來不進來我也接待他不成

**卒子**理會的老丞相俺元帥說來你是個丞相他

是元帥府衙門爾我無干你進去便進去不進去

他也接待你不成蔡可早一句兒也罷我自己

進去見科元帥幾年不見受老夫一拜正末住者

左右將過錦心拜褥來蔡要他做甚麼正末則怕

拜下去汚了你那錦綉衣服蔡可早兩句兒也正  
末却不道錦堂客至三杯酒茅舍人來一盞茶我  
是個新帥府豈無一杯酒管待令人將酒來卒子  
酒在此正末這一杯酒當從丞相飲老丞相接酒  
蔡將來正末住者小官有失禮體放着翰林院大  
學士在此當從學士請酒曹接酒科正末這杯酒  
可到老丞相丞相接酒蔡將來正末住者慌做甚  
麼學士飲個雙杯曹飲科正末這杯酒可該老丞  
相飲丞相接酒蔡將來正末住者兩隻手撈菱般

相似大缸家釀下酒鉢盂裡折的你也吃不了枕  
着青石板睡餓破你那臉也學士飲個三杯和萬  
事蔡可早三句了也王粲你將一杯酒似與不與  
對着翰林學士在此羞辱老夫是何道理正末你  
發甚麼酒風哩蔡我吃你甚麼酒來正末當初曾  
道來蔡我道甚麼來

水仙子正末你道你精神顏色棒瑤觴和氣春風滿  
畫堂。你道我不明白凍冰在顏回巷。我今日也列金  
釵十二行。儘今生急急忙忙。你那裡有江湖心量衡。

一片鹽鹽肚腸。令人擡過了酒餚者飲不的我玉波  
瓊漿。

〔蔡〕王蔡你強殺者波則是個兵馬大元帥我反殺  
者波是當朝左丞相調和鼎鼐燮理陰陽你把我  
這般看待敢不中麼

甜水令正末你道是位列三台。調和鼎鼐燮理陰陽。  
丞相府氣昂昂。覷的我元帥衙門。無過是點些士伍。  
排些刀仗。與文臣本不同行。

折桂令你不來阿。但憑心上我也不差着人來請你。

登堂你今日既來呵誰着你鳥故趨龍魚偏入網人  
自投湯既受你許多好情親向我豈可沒半句惡語  
相傷。蔡可知你與我也沾些親來。正末從今後星有  
參商人有雌黃你做不的吐哺周公我也拚不做坦  
腹王郎。

蔡學士你這裡不說那裡說。曹老丞相休慌元帥  
請暫息雷霆之怒畧罷虎狼之威聽小官明明的  
說破着元帥細細裏皆知人不說不知木不鑽不  
透冰不塌不寒膽不嘗不苦當初老丞相曾與令

尊老先生金蘭契友二人指腹成親若生二女同  
攀綉牀若生二子同舍攻書若生子女結爲夫婦  
不想令尊生下元帥丞相所生一女因爲官守所  
絆彼各天涯間隔親事老丞相聞知元帥學成滿  
腹文章只是驕矜傲慢不肯曲脊於人以此數次  
將書調取至京蕭條旅館個月期程不蒙放參可  
是爲何只是涵養你那銳氣及至相見將那三杯  
酒耻辱元帥一席話激發將軍豈知春衣白金雖  
鞍書札都不是小官的老丞相暗暗的與我着我

明明的與你賚發你投托荆王劉表誰想劉表不  
能任用淹留在彼你將萬言長策寄與小官小官  
轉與老丞相老丞相獻與聖人聖人見喜今得此  
官自從元帥去後老丞相將老夫人搬至京師一  
般蓋下畫堂又陪房奩斷送將小姐聘與元帥爲  
妻說兀的做甚則爲你襄陽久困數年間今日撥  
開雲霧見天顏非干我這舉賢曹子建則拜你那  
恩人老泰山正末拜科云則被你瞞殺我也丈人  
蔡回禮科云則被你傲殺我也女婿



鴈兒落正末又不曾趨謁天子堂。又不曾圖畫功臣像。止不過留心在筆硯間。又不曾惡戰在沙場上。得勝令呀怎做得架海紫金梁。則消得司縣綠衣郎。今日個樞府新元帥。還只是長安舊酒狂。騰驤端的有豪氣三千丈。游揚這的是功名紙半張。

蔡天下喜事無過子母夫婦團圓就今日卧翻羊。窖下酒做個大大慶喜筵席者我兩姓結婚姻原在生前難道我今日敢違背初言因此上屢移書接來到此本待將加官職指引朝天只爲你生性

子十分驕傲並不肯謙謙的敬老尊賢我特將三  
杯酒千般折挫無非要涵養得氣質爲先暗地裡  
具書呈白金駿馬封皮上明寫着子建相傳豈知  
道到荊州依然不遇遂淹留不得返荏苒三年想  
登樓這一點思鄉客淚多應是長飄酒似雨漣漣  
萬言策又是我轉聞今上纔得授大元帥入掌兵  
權早先期高平去迎將老母預蓋下大宅院供具  
俱全專等待你回來選其吉日與小女結花燭夫  
婦團圓此皆由我老夫殷勤留意非學士能出力

爲你周旋到如今纔一一從頭說破大家的開笑

口慶賞華筵

離亭宴煞正末你元來爲咱氣銳加涵養須不是忌  
人才大遭魔障端的個這場收拾了龍爭虎鬪心結  
果了鶚薦鵬搏力表明了海濶天高量安排下玳瑁  
筵準備着葡萄釀做一個團圓的慶賞早匹配了青  
春女一生歡穩情取白頭親百年享全下